

## Ateso - Agape Nukiwadikatai - God's Love Letter Scriptures

Yokana 15:9 Kwape kaminar Papa, eoŋ da kamina yes kwape kwanjin; kosalata toma aminaka.

Isaia 43:1 Konye kwana inera kwanata EJAKAIT loabu kosub jo, wu Yakob, Dol lokilunuluni jo, wu Israeł, ebe: "Sirikikurianar, naarai kalaku jo; Kanyarit jo kokirorikon, irai Lokaŋ.

Yeremia 1:5 "Eriŋa kesuba jo kotoma akoik abu kajen jo, Ido eriŋa ilomuna kakoik abu ketalau jo: Kaseu jo araun enabi mama ejaas atekerin."

Yokana 15:16 Mere yes kiseunete eoŋ, dimarai eoŋ kaseu yes, kadakak yes tetere ilosete koraata araito, araitokus da kosalito; tetere nulipete Papa kere kokirorika, kiinakini.

3 Yokana 1:2 Lominat, kelipak jo ajaut ejok kakiro kere, koŋale da, kwape ejaar akonijjar ejok.

Isaia 43:4 Naarai irai loka akais nuiplu kakonyeneka, Lokayonio, kamina jo; Des ainakinia ituŋa kanukon, Atekerin kanuka aijarakon.

Yeremia 31:3 Abu EJAKAIT ketakanikin kolosek, ebe, Eebo, kekilakina jo kamin namam edaun; Des keriuŋa jo kasianut-nakamin.

Kosea 11:8 Kaialakini jo biai, Epuraim? Kakorakini biai, Israeł? Ketuluori jo biai bala Aduma? Kebwaikini biai bala Seboim? Ebelokin ekatau kotoma, anoku akaitim.

Yokana 3:16 Naarai komina Edeke akwapin kwanata, abu koinak Okokuke loteluna, tetere ḥinitunjanan yeniyuuni ḥes kinye aolior, konye kojaas kaijar naka ikar kere.

Isaia 49:15,16 "Epedori aberu ikekoku yenenaki aimurwokin, Komam isionie okoku loka akoikike?" Eebo, epedorete ḥun aimurwokin, Konye mam eoŋ kemurwokini jo. 16 Koany, kegiranakinit jo otauon luka akaninika; Ejaenenas arwatatinikon kakonyeneka tiritir.

Isaia 41:13 Naarai eoŋ EJAKAIT Ekonideke egagauni akonikan nakoteten, Kabala jo ebe, "Sirikikurianar; keŋarakini jo."

Matayo 28:20 kisisianakinete kes aricit akiro kere nukecorakinit yes; ido koany, aja eoŋ nenipe kayes apaarasia kere, kiton awasia naka ikar kere,

Yokana 14:1 Sirikiyalonjoto ikusitaun; kiyuutu Edeke, eoŋ da kiyuunai.

Isaia 41:14 Sirikikurianar, ijo ekurut Yakob, yes ituŋa luka Israeł; Ebala EJAKAIT ebe, Kenjarakini jo, Ido ekalakunanikon ḥes Lokalaunan loka Israeł.

Isaia 43:2 Arai itori toma akipli, ajaenena kajo; Toma ocorin, mam kiraparete: Arai itori toma akim, mam kinomori; Mam eiriani akim kama ijai.

Isabulin 23:1-6 Esabuli loka Daudi. 1 EJAKAIT ḥes ekeçokonika; Emamei ibore yenepuda. 2 Kesiperikini amelo: Kenjarenikini ariri naka akipli nueliliete. 3 Iteteuni ekatau; Kenarenikinir korotin luka adolit kanuka ekekiror. 4 Eebo, karaida ketor aditot naka etoribe loka atwanare, Mam akurianar aronis kere; Naarai ijai ijo keoŋ; Akonimorok ka ebelakon kes ketalakarito. 5 Itemonokini ijo emesa neajai eoŋ Kakonyen nuka lukasurupoka; Inyonyoik akinyet akouka; Ilapanar kadereka. 6 Abeit ajokis ka aitim katupenenete eoŋ Apaarasia kere

nuka aijaraka; Eboienenei kotogo loka EJAKAIT ikar kere.

Yokana 14:27 Kenyeiniata ainapakin; kainak yes akainapakin; mere kwape einakiniata akwapin, kainakinia eoñ yes. Sirikiyalonjonto ikusitaon, kinyeis da akurian.

IPilipin 4:7 Ainapakin da naka Edeke naedeparit ajenun kere, kidarenenei itauonokus ka aomisiokus kotoma Kristo Yesu.

Awaragasia 3:24 Des konyet ilosenenoo kainapakina, Komam iguikini akonikeju.

Isabulin 4:8 Kaper kajotoor enapakina: Naarai ijo bon, EJAKAIT, kisiboikini eoñ kainapakina.

Isabulin 33:18 Koany, itei akonu naka EJAKAIT ɳul lueyonito ɳes, Ka ɳul da luemunos aitimike;

IRomayon 5:2 Kanukej kidumu erot loka aiyuun lokitodoli asianut ɳin nakibwoia, kiwoloboboi da kotoma amun aibuses naka Edeke.

Isaia 55:12 Naarai ilomarete kailel, inarenikinio kainapakin; Egeunete ironjan ka iukon ayoore kakonyenekus, Ibapete ikito kere luka ais akecekanin.

Yokana 16:22 Yes da, kwape kwañin ianyunete ican kwana, konye eoñ kaanyuni yes bobo, elelete ikusitaon, emamei yenikidemari akusiilel.

Luka 12:9 Konye ɳin yenikañeri eoñ kakonyen nuka ituña, enerio ɳin da kakonyen nuka imalaikan luka Edeke.

Matayo 10:30 Konye yes, imaritai itima da kere luka akwesikus.

Isaia 54:10 Naarai ebala EJAKAIT lokitimit jo ebe, Enyounete ironjan, ijaniñas iukon; Konye mam enyouni akasianut kamakon, Karaida akaitutuket naka ainapakin mam ijanijaña.

Matayo 11:28-30 Kopotu neajai, yes kere luitaaritos ka lukilanjirikinito, eoñ da kesiyenuni yes. 29 Korionjata ajookotoka, kisisiautu kamakanj; naarai etasiono eoñ, eyapepera kotau, yes da idumunete aiyenun kotaonokus. 30 Naarai imeimeo akajookot, akabwokon da ebenen.

Ekosio 2:10 Kiner lominataka, katema atiar, “Konyou, naminataka, atemeleka, kaloto.

Kosea 2:14,19,20 Aso do koany, emaimai ɳes, Ayauni ɳes amodij, Enerakin ɳes nujtalakarete. 19 Kesineri jo ikar kere; eebo, kesineri jo kadolit, kotube, kasianut-nakamin, ka aitimio da. 20 Kesineri teni jo kamunonut: ijenuni do EJAKAIT.”

Anyoun 3:14 Kobala Edeke Musa ebe, “AJAI KWAPE AJAAR.” Kobala ebe, “Ilimokini idwe luka Israël ebe, ‘AJAI ɳes keyakunit mama ijaas.’ ”

Kosea 13:4 Konye arai eoñ EJAKAIT Ekonideke Anyoun kakwap nako Misiri; Mam ijeni ecedeke dimarai eoñ, Emamei da ecetjaemar eoñ ekal

Yokana 15:14 Iraas yesi ikapapero arai iswamaete nukecorakini yes.

Apukokino 3:20 Koany, abwoi kokek ekunjukunji; arai epupi ituñanan kere ekaporoto, koñaa da ekek, alomari mamakenj, amori nepepe kañes, ɳes da keoñ.

Pastor T. John Franklin  
Church of Salvation, Healing, and Deliverance  
COS-HAD.org